

UGOVOR o isporuci roba

I UGOVORNE STRANE

Arhitektonski fakultet u Sarajevu

Sjedište: Patriotske lige 30, 71000 Sarajevo
koje zastupa dekan prof.mr. Mevludin Zečević
Identifikacijski broj: 4200192800009
(u daljem tekstu: Kupac)

i

R&S d.o.o. Sarajevo

Sjedište: Igmanska b.b., 71320 Vogošća
Kojeg zastupa direktor Kemal Selmanagić
Identifikacijski broj: 4200056290005
Identifikacijski broj obveznika PDV-a: 200056290005
Transakcijski broj banke, ime i sjedište banke: 3389002208510172 Unicredit Bank d.d.
(u daljem tekstu: Prodavac)

II PREDMET UGOVORA

Član 1.

Predmet ovog Ugovora je nabavka i sukcesivna isporuka tonera prema Tenderskoj dokumentaciji Kupca, i Ponudi Prodavca od 21.09.2018. godine, koji su u prilogu ovog Ugovora i čine njegov sastavni dio.

Član 2.

Predmet Ugovora obuhvata sukcesivnu isporuku tonera u skladu sa Obrascem za cijenu ponude u prilogu.

Član 3.

(1) Prodavac je naročito dužan:

- da isporučenu robu, koja nije u skladu sa traženom, koja ima oštećenja ili vidljive nedostatke ili odstupa od tražene, zamijeni ispravnom u roku od tri dana od dana prijema reklamacije Kupca;
- da isporuku predmeta ugovora izvrši na adresu sjedišta Naručioca u roku od pet radnih dana od dana narudžbe;
- da vrši sukcesivnu / kontinuiranu isporuku isključivo onih tonera koji su od strane Kupca odobreni u toku provedbe predmetne javne nabavke;
- robu isporučiti u originalnom pakovanju, propisno upakovanu, kako bi se smanjila mogućnost oštećenja prilikom transporta;
- osigura deklaraciju na svakom pojedinačnom pakovanju (komadu) isporučene robe koja će biti ovjerena od strane Prodavca i uključivati datum proizvodnje i rok trajanja;
- da isporuči originalan predmet ugovora – od originalnog proizvođača, novoproduzven i nekorišten, toneri ne smiju biti reciklirani.

(2) Prodavac se obavezuje da će nadoknaditi svaku eventualno prouzrokovanu štetu nastalu na opremi, koja je nastala upotrebom neoriginalnih i/ili neispravnih tonera.

III CIJENA I NAČIN PLAĆANJA

Član 4.

(1) Ugovor se zaključuje u iznosu od **7.003,42 KM** (sedamhiljatri i 42/100 konvertibilnihmaraka) sa uključenim PDV-om, odnosno **5.985,83 KM** (pethiljadadevetstotinosamdesetpet i 83/100 konvertibilnemarka) bez uključenog PDV-a.

(2) Roba iz člana 1. ovog ugovora će se plaćati prema jediničnim cijenama iz Ponude Prodavca od 21.09.2018. godine, koje se neće mijenjati tokom ugovornog perioda.

Član 5.

(1) Kupac će izvršiti plaćanje u roku od 15 dana od prijema fakture.

(2) Prodavac će izvršiti ispostavljanje faktura po sukcesivnoj isporuci predmetnih roba prema isporučenoj količini i jediničnim cijenama preciziranim u ponudi Prodavca, a nakon kvalitativnog i kvantitativnog prijema predmetne robe od strane Kupca.

Član 6.

(1) O eventualnim nedostacima u količini i kvalitetu predmetne nabavke Kupac će Prodavca obavijestiti odmah, a najkasnije u roku od sedam dana od dana isporuke.

IV STUPANJE NA SNAGU I RJEŠAVANJE SPOROVA

Član 7.

(1) Ovaj Ugovor stupa na snagu danom obostranog potpisivanja od strane ovlaštenih lica ugovornih strana i traje 12 mjeseci, odnosno do njegovog potpunog izvršenja. Ugovor se smatra izvršenim kada Prodavac isporuči sve stavke ugovora.

(2) Kupac će predmet ugovora iz člana 1. ovog ugovora nabavljati zavisno od svojih potreba za vrijeme trajanja ovog ugovora.

(3) Ukoliko Prodavac u odgovarajućem roku i na ugovoren način ne bude izvršio ugovorene obaveze, dužan je za svaki propust i/ili započeti dan kašnjenja isplatiti Kupcu iznos od 50,00 KM, a najviše do 10% od ukupno ugovorenog iznosa.

Član 8.

Svaka ugovorna strana može pokrenuti postupak raskida ugovora ako druga strana ne izvršava ugovorene obaveze, uz otkazni rok od 15 dana.

Član 9.

Eventualno nastale sporove pri realizaciji ovog ugovora, ugovorne strane će rješavati mirnim putem, u protivnom ugovara se nadležnost suda opće stvarne nadležnosti u Sarajevu.

V OSTALE ODREDBE

Član 10.

Prodavac nema pravo, u svrhu izvršenja ovog ugovora, da zapošljava fizičke ili pravne osobe koje su bile uključene u pripremu tenderske dokumentacije, ili su bile u svojstvu članova Komisije za javne nabavke, najmanje šest mjeseci po stupanju na snagu istog.

Član 11.

Za sve što nije regulirano ovim Ugovorom primjenjivaće se odredbe propisa o obligacionim odnosima u Bosni i Hercegovini.


Član 12.

Punovažne i obavezujuće su samo one izmjene i dopune ovog ugovora koje su ugovorne strane sačinile sporazumno i u pisanoj formi.

Član 13.

Ovaj Ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

Za Prodavca


Kemal Selmanagić, direktor

Datum: 28.09 2018. godine

Broj: 526/2018.



Za Kupca


Prof. mr. Mevludin Zečević, dekan

Datum: 26.09.2018. godine

Broj:

05-30/122-18

